



Na osnovu člana 80. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona broj: 4/12), člana 146 statuta Univerziteta, te odluka Senata Univerziteta broj: 101- 1602 /19 i broj: 101-1602-2-/19, uz saglasnost Ministarstva za obrazovanje, nauku, kulturu i sport HNK, broj: 05-03-40-1582-1/19 od 13.6.2019. godine, Univerzitet "Džemal Bijedić" u Mostaru, objavljuje

## KONKURS

### za upis studenata u prvu godinu prvog i drugog ciklusa studija na Univerzitetu "Džemal Bijedić" u Mostaru u akademskoj 2019/2020. godini

**1. Konkurs za upis u prvu godinu I ciklusa studija u akademskoj 2019/2020. godini traje od 18. juna 2019. godiine do 5. jula 2019. godine.**

Konkurs za upis u prvu godinu II ciklusa studija u akademskoj 2019/2020. godini ostaje otvoren **do 1. novembra 2019. godine.**

U prvu godinu studija u akademskoj 2019/2020. godini kandidati se upisuju u skladu sa Planom upisa studenata.

**2. Pravo na upis i status studenta na Univerzitet imaju sva lica koja su završila četverogodišnju srednju školu u Bosni i Hercegovini, kao i lica koja su završila četverogodišnju srednju školu u inostranstvu.**

Kandidati koji su srednju školu završili u inostranstvu, uz prijavu na konkurs, podnose obrazovne isprave i rješenje o ekvivalenciji, odnosno nostrifikaciji, a ako je postupak u toku, dostavljaju dokaz o podnesenom zahtjevu.

Univerzitet će osigurati pristup studiju stranim državljanima i licima bez državljanstva u skladu s načelima evropskog sistema visokog obrazovanja, osiguravajući im studij pod istim uvjetima kao i državljanima Bosne i Hercegovine.

**3. Pravo upisa na diplomski studij** imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati iz stava (1) ovog člana za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program na drugom fakultetu koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće fakulteta, koji realizuje studijski program diplomskog studija.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

**3.1. Pravo upisa na diplomski studij (master 4+1 sve oblasti) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održat će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerenja** nakon položenog prijemnog ispita obavezni su polagati **preduslovni predmet - Menadžerska ekonomija**.

**4. Za prijavu na Konkurs za upis u prvu godinu studija** kandidat je dužan predati sljedeće dokumente:

**a) prvi ciklus (dodiplomski studij)**

- Zahtjev za upis u kome je tačno naznačen odsjek na koji konkuriše;
- Originalna svjedočanstva o završenim razredima srednje škole i originalnu diplomu o završenoj srednjoj školi u Bosni i Hercegovini u četverogodišnjem trajanju odnosno odgovarajuća nostrificirana dokumenta za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije prilaže se dokaz o podnesenom zahtjevu za nostrifikaciju);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Druge dokumente relevantne za utvrđivanje broja bodova po kriterijima.

**Prijave za upis studenata u prvu godinu prvog ciklusa (dodiplomskog) studija Dizajn interijera i studija Zdravstvena njega kandidati podnose u studentsku službu Nastavničkog fakulteta Univerziteta „Džemal Bijedić“ u Mostaru.**

**Prijave za upis studenata u prvu godinu prvog ciklusa (dodiplomskog) Studija turizma i studijskog programa Poslovna informatika kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru.**

**Prijave za upis studenata u prvu godinu drugog ciklusa (diplomskog) studija iz oblasti Menadžmenta u kulturnom turizmu kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru.**

**b) drugi ciklus (diplomski/master studij)**

- Zahtjev za upis u kome je tačno naznačen smjer na koji konkuriše;
- Diploma ili uvjerenje o završenom prvom ciklusu studija iz odgovarajuće oblasti, odnosno odgovarajuća nostrificirana dokumenta;
- Uvjerenje o položenim ispitima ili dodatak diplomi (original);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Drugi dokumenti u skladu sa Pravilima studiranja na II ciklusu studiju na Univerzitetu "Džemal Bijedić" u Mostaru, objavljenim na web stranici Univerziteta.

**Nepotpune i neblagovremeno podnesene prijave neće se uzimati u razmatranje.**

**5.** Prijemni ispit, na organizacionim jednicama/univerzitetskim studijskim programima na kojima se polaže, obaviti će se u terminu, rasporedu i satnici koje će utvrditi organizacione jedinice/univerzitetski studijski programi pojedinačno, koji će oglašiti na svojim oglasnim pločama i web stranicama uz detaljne informacije o sadržaju i načinu polaganja prijemnog ispita.

**6.** Kriteriji i mjerila za utvrđivanje redoslijeda za prijem kandidata za upis u prvu godinu prvog ciklusa studija na organizacione jedinice/univerzitetske studijske programe Univerziteta "Džemal Bijedić" u Mostaru će biti objavljeni na oglasnim pločama i web stranicama organizacionih jedinica/univerzitetskih studijskih programa. Rang listu svih kandidata i spisak primljenih kandidata organizacione jedinice/univerzitetski studijski programi će objaviti na oglasnoj ploči nakon što je verifikuje nadležni organ.

**7.** Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice/univerzitetskog studijskog programa u roku od 3 dana od dana objavljivanja iste. Naučno-nastavno vijeće organizacione jedinice/univerzitetskog studijskog programa je dužno u roku od 3 dana odlučiti o prigovoru i o tom obavijestiti kandidata. Odluka Naučno-nastavnog vijeća je konačna.

**8.** Ukoliko se na studijski program u prvom upisnom roku **ne prijavi 60%** kandidata od upisne kvote utvrđene Odlukom Senata broj: 101-1602-1/19 od 30.05.2019. godine, za prvi ciklus studija neće se raspisivati konkurs za taj studijski program u drugom upisnom roku, niti će se vršiti upis studenata u prvu godinu studija, ukoliko Senat ne odluči drugačije. Kandidatima koji budu aplicirali na te studijske programe omogućit će se upis na drugi studijski program.

**9.** Ukoliko se na studijski program u prvom upisnom roku **prijavi 60%** kandidata od upisne kvote utvrđene Odlukom Senata broj: 101-1602-1/19 od 30.05.2019. godine, za preostala slobodna mjesta, organizacione jedinice/univerzitetski studijski programi vršit će prijem u drugom upisnom roku, čiji termin će biti naknadno objavljen.

**10.** Organizacione jedinice/univerzitetski studijski programi će na svojim oglasnim pločama objaviti detaljne informacije o mjestu i vremenu predaje dokumenata na Konkurs.

**11.** Upis studenata koji budu primljeni na organizacione jedinice obaviti će se nakon oglašavanja konačne rang liste primljenih kandidata.

**12. Za upis na visokoškolske ustanove primljeni kandidati podnose:**

- upisni i prijavni list (ŠV obrazac)
- upisnicu - index
- dvije fotografije
- ljekarsko uvjerenje o zdravstvenom stanju studenta (izdaje ga odgovarajuća zdravstvena ustanova ne starije od 6 mjeseci).
- dokaz o uplati školarine.

**PLAN UPISA STUDENATA**  
**u prvu godinu studija na organizacione jedinice/univerzitetske studijske programe**  
**Univerziteta "Džemal Bijedić" u Mostaru u akademskoj 2019/2020. godini**

Organizaciona jedinica	Broj studenata					Ukupno
	Redovni	Redovni uz plaćanje	Vanredni	Distance learning	Studenti koji nisu državljani BiH	

<b>Agromediteranski fakultet</b>	<b>120</b>	<b>15</b>	<b>50</b>			<b>185</b>
<b>Akademski dodiplomski studij (Bachelor)</b>	<b>60</b>	<b>15</b>	<b>30</b>			<b>105</b>
Voćarsko-vinogradarski smjer	20	5	10			35
Povrtlarsko-cvječarski smjer	20	5	10			35
Ekologija i upravljanje okolišom u poljoprivredi	20	5	10			35
<b>Diplomski studij (Master)</b>	<b>60</b>		<b>20</b>			<b>80</b>
Voćarsko-vinogradarski smjer	15		5			20
Povrtlarsko-cvječarski smjer	15		5			20
Ekologija i upravljanje okolišem u poljoprivredi	15		5			20
Urbana poljoprivreda	15		5			20

<b>Ekonomski fakultet</b>	<b>105</b>	<b>15</b>	<b>50</b>			<b>170</b>
<b>Akademski dodiplomski studij (Bachelor)</b>	<b>80</b>		<b>20</b>			<b>100</b>
<b>Stručni dodiplomski studij</b>			<b>20</b>			<b>20</b>
<b>Diplomski studij (Master) (4+1)</b>	<b>25</b>	<b>15</b>	<b>10</b>			<b>50</b>
Poslovni menadžment / Menadžment finansija / Računovodstvo i revizija	15	15				30
Menadžment u kulturnom turizmu	10		10			20

<b>Fakultet humanističkih nauka</b>	<b>130</b>	<b>30</b>	<b>60</b>			<b>220</b>
<b>Akademski dodiplomski studij (Bachelor)</b>	<b>100</b>	<b>30</b>	<b>30</b>			<b>160</b>
Bosanski jezik i književnost	10	5	5			20
Engleski jezik i književnost	20	5	5			30
Turski jezik i književnost	20	5	5			30
Njemački jezik i književnost	20	5	5			30
Historija i međunarodni odnosi	10	5	5			20

Komunikologija	20	5	5			30
<b>Akademski diplomski studij (Master)</b>	<b>30</b>		<b>30</b>			<b>60</b>
Bosanski jezik i književnost	5		5			10
Engleski jezik i književnost	5		5			10
Turski jezik i književnost	5		5			10
Njemački jezik i književnost	5		5			10
Historija BiH	5		5			10
Komunikologija	5		5			10

<b>Fakultet informacijskih tehnologija</b>		<b>25</b>	<b>10</b>	<b>25</b>		<b>60</b>
<b>Akademski dodiplomski studij (Bachelor)</b>						
<b>Softverski inženjering (240)</b>		<b>25</b>	<b>10</b>	<b>25</b>		<b>60</b>

<b>Građevinski fakultet</b>	<b>65</b>		<b>10</b>		<b>30</b>	<b>105</b>
<b>Akademski dodiplomski studij (Bachelor)</b>	<b>55</b>				<b>30</b>	<b>85</b>
Opći odsjek	30				15	45
Geodezija i geoinformatika	25				15	40
<b>Diplomski studij (Master)</b>	<b>10</b>		<b>10</b>			<b>20</b>
Konstruktivni odsjek	10					10
Upravljanje okolišnom infrastrukturom			10			10

<b>Mašinski fakultet</b>	<b>135</b>	<b>39</b>	<b>39</b>			<b>213</b>
<b>Akademski dodiplomski studij (Bachelor)</b>	<b>90</b>	<b>15</b>	<b>15</b>			<b>120</b>
Dizajn proizvoda	30	5	5			40
Kompjuterski inženjering	30	5	5			40
Energetika	30	5	5			40
<b>Diplomski studij (Master)</b>	<b>45</b>	<b>24</b>	<b>24</b>			<b>93</b>
Dizajn proizvoda	15	8	8			31
Kompjuterski inženjering	15	8	8			31
Obnovljivi izvori energije	15	8	8			31

<b>Nastavnički fakultet</b>	<b>220</b>	<b>65</b>	<b>85</b>			<b>370</b>
<b>Akademski dodiplomski studij (Bachelor)</b>	<b>150</b>	<b>30</b>	<b>40</b>			<b>220</b>
Hemija	25	5	5			35
Sport i zdravlje	25	5	5			35
Razredna nastava	25	5	5			35
Konzervacijska biologija i ekologija	25	5	5			35
Psihologija i sociologija	25	5	5			35
Pedagogija	25	5	5			35
Stručni studij iz oblasti sporta (3+2)			10			10

<b>Diplomski studij (Master)</b>	<b>70</b>	<b>35</b>	<b>45</b>			<b>150</b>
Hemija	10	5	5			20
Sport i zdravlje	10	5	5			20
Razredna nastava	10	5	5			20
Konzervacijska biologija i ekologija	10	5	5			20
Sociologija	10	5	5			20
Psihologija	10	5	5			20
Pedagogija	10	5	5			20
Stručni studij iz oblasti sporta (3+2)			10			10

<b>Pravni fakultet</b>	<b>25</b>	<b>40</b>	<b>15</b>			<b>80</b>
<b>Akademski dodiplomski studij (Bachelor)</b>	<b>25</b>	<b>30</b>	<b>15</b>			<b>70</b>
<b>Opći smjer</b>	<b>25</b>	<b>5</b>	<b>5</b>			<b>35</b>
<b>Kriminologija i sigurnosne studije</b>		<b>25</b>	<b>10</b>			<b>35</b>
<b>Diplomski studij (Master)</b>						
Građansko-pravni smjer		<b>10</b>				<b>10</b>

<b>Univerzitetski studij</b>	<b>20</b>	<b>125</b>	<b>20</b>	<b>25</b>		<b>190</b>
Poslovna informatika		25		25		50
Zdravstvena njega	20	50	10			80
Dizajn interijera		25				25
Studij turizma		25	10			35

<b>Akademski dodiplomski studij (Bachelor)</b>	<b>580</b>	<b>270</b>	<b>200</b>	<b>50</b>	<b>30</b>	<b>1130</b>
<b>Diplomski studij (Master)</b>	<b>240</b>	<b>84</b>	<b>139</b>			<b>463</b>
<b>Ukupno:</b>	<b>820</b>	<b>354</b>	<b>339</b>	<b>50</b>	<b>30</b>	<b>1593</b>

#### ODLUKA

o kriterijima i mjerilima za utvrđivanje redoslijeda za prijem kandidata za upis u prvu godinu prvog i drugog ciklusa studija na organizacionim jedinicama i univerzitetskim studijskim programima Univerziteta "Džemal Bijedić" u Mostaru u akademskoj 2019/2020. godini

#### Član 1.

Ovom Odlukom utvrđuju se kriteriji i mjerila za bodovanje i upis kandidata u prvu godinu prvog i drugog ciklusa studija na organizacione jedinice i univerzitetske studijske programe Univerziteta "Džemal Bijedić" u Mostaru, u akademskoj 2019/2020. godini.

#### Član 2.

Organizacione jedinice/univerzitetski studijski programi upisuju planirani broj studenata, a prema kriterijima iz ove Odluke.

Organizacione jedinice/univerzitetski studijski programi mogu odlučiti da kao način provjere znanja i sposobnosti kandidata za odgovarajući studij uvedu i polaganje prijemnog ispita.

### Član 3.

Rangiranje kandidata za upis na prvi ciklus studija vrši se na osnovu ukupnog broja bodova dobijenih prema slijedećim kriterijima:

- a) **OPĆI KRITERIJ** se odnosi na postignuti uspjeh u srednjem obrazovanju i iznosi najviše 35 bodova.
- b) **POSEBNI KRITERIJ** odnosi se na priznanje stečeno za uspjeh u toku školovanja ili na takmičenjima iz poznavanja naučnih (stručnih) disciplina ili po osnovu vrhunskih rezultata u sportu, a iznosi najviše 10 bodova izuzev Fakulteta informacijskih tehnologija (najviše 5 bodova).
- c) **POJEDINAČNI KRITERIJ** odnosi se na predmete značajne za odgovarajući studij ili prijemni ispit.
  - **Pojedinačni kriterij** po osnovu **predmeta značajnih za odgovarajući studij** a koji su utvrđeni odlukama visokoškolskih ustanova i navedeni su u članu 7. ove odluke, vrednuju se sa najviše **15 bodova**.
  - **Pojedinačni kriterij** po osnovu **prijemnog ispita** na Fakultetu informacijskih tehnologija i univerzitetskom studiju Zdravstvena njega vrednuje se sa najviše **30 bodova**.

Bodovanje po osnovu pojedinačnog kriterija može se vršiti samo po jednom osnovu.

### Član 4.

Broj bodova po osnovu **općeg kriterija** utvrđuje se tako da se izračuna prosječna ocjena u toku srednjoškolskog obrazovanja (zaokružena na dvije decimale) i množi sa brojem 7.

### Član 5.

Po osnovu **posebnog kriterija**, kandidati dobijaju sljedeći broj bodova za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij:

#### Kantonalno (entitetsko) takmičenje

- 1. mjesto.....2 boda
- 2. ili 3. mjesto.....1 bod

#### Državno takmičenje

- 1. mjesto.....3 boda
- 2. ili 3. mjesto.....2 boda

#### Međunarodno takmičenje

- 1. mjesto.....5 bodova
- 2. ili 3. mjesto.....4 boda

### Član 6.

Broj bodova po osnovu **pojedinačnog kriterija** utvrđuje se tako da se prosječna ocjena iz 2-4 predmeta značajnih za odgovarajući studij, utvrđeni ovom Odlukom (zaokružena na dvije decimale) množi sa brojem 3.

Bodovanje rezultata prijemnog ispita na organizacionim jedinicama/univerzitetskim studijskim programima na kojima se polaže prijemni ispit vršit će se u skladu sa ovom Odlukom.

## Član 7.

Rangiranje kandidata na organizacionim jedinicama/univerzitetskim studijskim programima vršit će se prema sljedećim kriterijima:

### AGROMEDITERANSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima na svim studijskim programima su: **biologija i hemija**.

### EKONOMSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima su: **matematika i bosanski/hrvatski/srpski jezik**.

- **Akademski diplomski studij (master)/ II ciklus**

Pravo upisa na **diplomski studij (master 4+1 sve oblasti) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održat će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerenja** nakon položenog prijemnog ispita obavezni su polagati **preduslovni predmet - Menadžerska ekonomija**.

### FAKULTET HUMANISTIČKIH NAUKA

Ne uslovljava se upis na dodiplomske studijske programe Fakulteta humanističkih nauka.

### FAKULTET INFORMACIJSKIH TEHNOLOGIJA

- **Akademski dodiplomski studij (bachelor) / I ciklus studija**

**Opći kriterij** – postignuti uspjeh u srednjem obrazovanju. Kandidat može ostvariti najviše 35 bodova (prosjek svih ocjena, zaokružen na dvije decimale, ne računajući ocjene na maturskom, pomnožen sa 7).

**Posebni kriteriji** Osvojeno jedno od prva tri mjesta na međunarodnim, državnim i kantonalnim takmičenjima u poznavanju naučno-stručnih disciplina od značaja za studij (informatika), kako slijedi:

**Kantonalno (entitetsko) takmičenje**

- 1. mjesto.....2 boda
- 2. ili 3. mjesto.....1 bod

**Državno takmičenje**

- 1. mjesto.....3 boda
- 2. ili 3. mjesto.....2 boda

**Međunarodno takmičenje**

- 1. mjesto.....5 bodova
- 2. ili 3. mjesto.....4 boda

**Napomena:** Ukoliko je kandidat učestvovao na više takmičenja, u obzir se uzima samo jedno, kojim kandidat ostvaruje najviše bodova prema gornjoj skali. Bodovat će se samo takmičenja koja su realizovana u (su)organizaciji



Kantonalnog pedagoškog zavoda, Republičkog pedagoškog zavoda RS-a, Federalnog ministarstva obrazovanja i nauke ili Udruženja "Informatičke olimpijade u BiH".

**POJEDINAČNI KRITERIJ** - prijemni ispit. Prijemni ispit je obavezan i eliminatoran – (kandidat čija je uspješnost na prijemnom ispitu minimalno 50% ulazi u daljnji postupak rangiranja). Kandidat na prijemnom ispitu može ostvariti najviše 30 bodova. Model testa i literatura za pripremu prijemnog ispita bit će dostupna na: <https://www.fit.ba>.

#### **GRAĐEVINSKI FAKULTET**

- **Akademski dodiplomski studij (bachelor) / I ciklus studija**

**Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **matematika i fizika** iz dva razreda srednjeg obrazovanja.

#### **MAŠINSKI FAKULTET**

- **Akademski dodiplomski studij (bachelor) / I ciklus studija**

**Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih disciplina.

Predmeti koji se boduju po **pojedinačnim kriterijima** za sve studijske programe su: **matematika i fizika**.

#### **NASTAVNIČKI FAKULTET**

- **Akademski dodiplomski studij (bachelor) / I ciklus studija**

- ***Konzervacijska biologija i ekologija***

- Opći uspjeh .

- ***Hemija:***

- Opći uspjeh

- ***Razredna nastava:***

- Opći uspjeh

- ***Sport i zdravlje***

- Opći uspjeh

Pri upisu na I ciklus studija svi kandidati moraju prvo zadovoljiti na provjeri zdravstvenog stanja i znanja iz određenih sportova i utilitarnih vještina. Uspjehu na **prijemnom ispitu** znatno doprinosi uspjeh postignut u srednjoškolskom obrazovanju. Na provjeri motoričkih znanja i sposobnosti kandidati moraju postići određeni minimalan broj bodova tj. preći prijemni prag. Na taj se način pred buduće studente Odsjeka za sport i zdravlje postavljaju tri kriterija od kojih je svaki za sebe eliminacijski.

- ***Pedagogija:***

- Opći uspjeh

- ***Psihologija i sociologija:***

- Opći uspjeh

- **Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih disciplina, učešće na domaćim i međunarodnim stručnim i naučnim skupovima, učešće na domaćim i međunarodnim projektima;

- Predmeti koji se boduju po **pojedinačnim kriterijima** su: **bosanski/hrvatski/srpski jezik, psihologija i sociologija**
  - **Stručni studij iz oblasti sporta:**
- Opći uspjeh.

#### PRAVNI FAKULTET

- **Akademski dodiplomski studij (bachelor) / I ciklus studija**

##### **Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **bosanski / hrvatski / srpski jezik i historija.**

#### UNIVERZITETSKI STUDIJSKI PROGRAMI

- **Akademski dodiplomski studij (bachelor) / I ciklus studija**

- **Poslovna informatika**

##### **Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **matematika i informatika.**

- **Zdravstvena njega**

##### **Opći uspjeh**

**Pojedinačni kriterij** se odnosi na **prijemni ispit** za redovne studente iz predmeta **biologija i hemija**, koji je obavezan, ali nije eliminatoran. Na osnovu urađenog ispita kandidat može ostvariti najviše 30 bodova.

Redovni samofinansirajući studenti i vanredni studenti ne polažu prijemni ispit.

- **Dizajn interijera**

##### **Opći uspjeh**

U slučaju prijavljenog većeg broja od predložene kvote, rangiranje će se vršiti prema visini prosječne ocjene iz srednje škole.

- **Studij turizma**

##### **Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **bosanski / hrvatski / srpski jezik i jedan strani jezik.**

#### **Član 8.**

Pravo upisa na **diplomski studij** imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati iz stava (1) ovog člana za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program na drugom fakultetu koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće fakulteta, koji realizuje studijski program diplomskog studija.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

#### **Član 9.**

Postupak za provođenje ove Odluke provode komisije koje imenuju NNV-ća organizacione jedinice/univerzitetskih studijskih programa.

Komisija je dužna obezbjediti tajnost ispitnog materijala i druge dokumentacije do okončanja prijemnog ispita.

Nakon provedene provjere, komisija je dužna utvrditi rang-listu kandidata i istu istaći na oglasnoj ploči organizacione jedinice i univerzitetskog studijskog programa, nakon što ih verifikuje Naučno-nastavno vijeće organizacione jedinice/univerzitetskog studijskog programa.

Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice/univerzitetskog studijskog programa u roku od 3 dana od dana objavljivanja liste. Naučno-nastavno vijeće utvrđuje konačnu listu, koju objavljuje na oglasnoj ploči narednog dana od dana usvajanja, sa naznakom broja do kojeg su kandidati stekli pravo upisa.

#### **Član 10.**

Studenti koji će se upisati u prvu godinu studija akademske 2019/2020. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta.

Detaljne informacije o mjestu i vremenu predaje dokumenata za upis, kao i druge relevantne informacije, bit će objavljene na oglasnim pločama i web stranicama organizacionih jedinica/univerzitetskih studijskih programa.